

TARIKH	30 / 10 / 2012	SEKSYEN	Nasional
MUKA SURAT	25	RUANGAN	Dalam Negeri

Ibadah Haji 2012 berakhir dengan jaya

MEKAH 29 Okt. - Menteri di Jabatan Perdana Menteri, Datuk Seri Jamil Khir Bahrom bersyukur kerana Lembaga Tabung Haji dapat mengendalikan perjalanan ibadah haji 2012 dengan lancarnya buat jemaah Malaysia.

Beliau berkata, jemaah Malaysia juga dilihat sangat berpuas hati kerana dapat menuaikkan ibadah haji mereka dengan jayanya.

"Secara keseluruhan pada ibadah haji tahun ini, kita lihat ada peningkatan dari sudut pergerakan terutama untuk membawa 28,000 jemaah haji Malaysia ke Padang Arafah, Muzdalifah dan Mina.



JAMIL KHIR

"Kita lihat ia adalah satu pelaksanaan yang berjaya," katanya selepas majlis penyampaian kad ucapan dan kuil Hari Raya Aidiladha daripada Perdana Menteri Datuk Seri Najib Tun Razak dan isteri Datin Seri Rosmah Mansor kepada jemaah haji Malaysia di ibu pejabat Tabung Haji di sini.

Beliau juga berkata, tahap kesihatan para jemaah dapat dipantau baik berikutnya adanya pasukan perubatan Tabung Haji.

Selain itu, katanya, jumlah kematian jemaah Malaysia juga berkurangan iaitu 24 orang berbanding 79 orang pada tahun lepas.

Sementara itu, Amir Daerah Makkah, Putera Khaled Al-Faisal dalam akhbar Inggeris Arab Saudi, *Saudi Gazette*, menyatakan kehadiran lebih dari 1.3 juta jemaah haji luar negara yang masuk ke Arab Saudi untuk menunaikan haji tanpa permohonan.

Tinjauan *Bernama* hari ini mendapati, jemaah haji Malaysia sudah mula bergerak pulang ke hotel penginapan masing-masing di sini selepas selesai melakukan ibadat melontar jamrah di Mina semalam.

Kembali ke Masjidil Haram, jemaah haji akan melakukan tawaf mengelilingi Kaabah, saie antara Bukit Safa dan Bukit Marwah serta tahlul thani sebagai mengakhiri ibadah haji masing-masing. - BERNAMA